

# Waiata for Compulsory Kapahaka Bracket

## Maungatautari

Maungatautari  
He Maunga teitei  
Titiro atu au  
Aroha kau ana  
E rua aku ringa  
Whiti rawa ki Waikato  
Hei piriti mai mou e tama ki taku uma nei e  
E rua aku ringa e mau nei I ahau  
Kotahi hei pera urunga  
Kotahi hei awhi mai  
Pokarekare ana noo wai o Waikato  
Whiti atu koe Hine, marino ana e  
E hine e, hoki mai raa  
Ka mate ahau I te aroha e  
E kore te aroha, e maroke I te raa  
Mākuku tonu I aku roimata e  
E hine e, hoki mai rā  
Ka mate ahau I te aroha e  
Ka mate ahau I te aroha e  
I te a....ro...haa ee

## He Aha Kei Taku

Hei aha kei taku uma  
E tuki nei te mamae  
He aroha pea ki te tau  
Ka momotu ki tāwhiti e  
Aue te aroha aue te mamae tōtoia kumekumea!  
E pēhi kino iho nei  
I ngā mookai kiri e  
E oho rangtahi maranga rā  
Hāpaingia too iwi e  
Kia kaha, kia toa, kia manawanui  
Ake, ake ki kaha e  
Aue te aroha aue te mamae tōtoia kumekumea!  
E pēhi kino iho nei  
I ngā mookai kiri e

## E Noho Tūheitia

**E noho Tuheitia** te hīri o Waikato  
E huri tō kanohi ki te hauāuru  
Ngā tai e ngunguru i waho o Te Akau  
Aue hei aue! (Hi Aue) Aue hei aue!

**Tō pikitanga** ko te ao o te rangi  
Tō heketanga ko Karioi maunga  
Tō hoe ngā waka ko Whaingaroa  
Aue hei aue! (Hi Aue) Aue hei aue!

**Piua o mata** ki Kawhia moana  
Ki Kawhia kai, ki Kawhia tangata  
Ko te kupu tēnā a ō tūpuna  
Aue hei aue! (Hi Aue) Aue hei aue!

**Takahia atu rā** te moana i Aotea  
Kia whatiwhati koe i te hua o te miro  
Te tīhi o Moerangi, te puke okiokinga  
Aue hei aue! (Hi Aue) Aue hei aue!

**E huri tō kanohi** ki Pirongia maunga  
Ki te rohe potae ki Arekahanara  
Ko te haona kaha o te runga runga rawa  
Aue hei aue! (Hi Aue) Aue hei aue!

**Pakia o ringa** ki Te Kauhanganui  
Te Paki o Matariki, ngā whakaoati  
Ko Kēmureti rā tōnā oko horoi  
Aue hei aue! (Hi Aue) Aue hei aue!

**E tū tō wae** ki te kei o Tainui  
Tēnei tō hoe ko te tekau mā rua  
Ngā tai e marinoi waho o Karewa  
Aue hei aue! (Hi Aue) Aue hei aue!

**E hoe tō waka** ki Ngāruawāhia  
Tūrangawaewae mō te ao katoa  
Te tongi whakamutunga a Mātūtaera  
Aue hei aue! (Hi Aue) Aue hei aue!

**Tairi te aroha** i a ha! ha!  
Toro mai o ringa me aroha tāua

Aue hi! (Hikitia), Aue ha! (Hapainga)  
Aue hei aue! (Hi Aue) Aue hei aue!

**TIHEI MAURI ORA HI**